

A Djan Tornare, mouâ le II dou mi d'ou 94, intêra le 15

Autor(en): **Brodâ, Franthê / Brodard, Francis / Tornare, Djan / [s.n.]**

Objekttyp: **Article**

Zeitschrift: **L'ami du patois : trimestriel romand**

Band (Jahr): **22 (1994)**

Heft 87

PDF erstellt am: **25.04.2024**

Persistenter Link: <https://doi.org/10.5169/seals-243266>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Parolè dè Franthé Brodâ, prèjidan di j'êmi dou patê, intindyè a l'intèrèmin dè Djan Tornare.

A Djan Tornare, mouâ le 11 dou mi d'ou 94, intêrà le 15.

Avo a ti, parintâ a Djan i Romin, êmi dou patê, di moudè è di kothemè dè nouthra Grevire.

La hyotse dou mohyi dè Chorin l'a chenâ l'angoni, in èpardzemalin a totè j'ourè la brijon de la mouâ.

Irè po dèkucheri, rè on yâdzo, le kâ di j'êmi dou patê.

Adon ke lè brâjè de la fitha dou premi dou mi d'ou iran adi bèdè. Djan Tornare irè prè ou chohyo è che n'ârma ch'indalâvè a la vouêrda dè Dyû.

Po chyêdre lè chindê ke Djan l'a hyori di pye bi botyè, po dre le mereto dè l'omo ke portâvè le tridzo è le frotson kemin le pye bi gonfanon, fudri di pâdzè è di j'armanè.

Djan l'a trakouâ la Grevire, po rèkulyi ti lè galé mo ke le patê richkâvè dè pèdre. I chè èthatyi a l'argo dè Chorin po no rapalâ on dzêrgon ke l'a rèjenâ pè lè ruvè dou Dzubyâ.

L'a kurtilyi le patê avui la pachyon di donè k'intrètinyon la rèthèta dou kurti yô hyorechon lè pye galé botyè, è chuto, i chè èthatyi a trakouâ ti lè j'èkri dè chè j'êmi lè patêjan. Chin l'a balyi di pilè dè paperache intètyè avui la pachyon dè l'omo ke chavi rèlyi è rèvoudre to chin ke ke no rapalè la linvoua ke la rèdzolyi le palyi dè Furboa.

M'in vudrè dè pâ rapalâ le mereto dè Djan i Romin, ke l'a publèlyi na mèchon dè pâdzè dè cha konpojichyon, pyênè dè rèvi è dè moujiron ke l'a mèchenâ pè lè tsalè dè cha kotse è pè lè fêrè dè Bulô.

I chè inbalyi chin mèjera po tsèvanhyi la chochiètâ di patêjan de la Grevire. N'in dè jou prèjidan chin povi balyi la mèjera dè chè j'idè du ke la chindâ li a rounyi, l'an pachâ, le povê dè chè ridyi cholè è dè dèvejâ. L'a fi partya dou komité di j'êmi dou patê dou tyinton è chuto, l'a dzêrutâ a ridieu po publèlyi le dikchnéro dou patê gruvèrin è di j'alintoua.

Chon mereto ravudyèri dza a pyin borni ch'on rapalè totè lè prèlyirè ke l'a teri ou chèlà in folyatin ti lè j'èkri dè chè j'êmi lè patêjan.

To chin li a prou chure valyu na prêcha cholida po le kranpounâ i bachkè dè nouthra Dona de l'achonpchyon.

Chin vô mé tyè nâ pràva pò dre ke Djyan irè fidélo i promèchè dou bâte me è de l'inkrêma, ke tinyê nouthra Dona ou ketsè dè chon kâ, ke l'a tsantâvè avui dèvouhyon.

Po provâ cha bouna volontâ, chon pochyin dè chyêdre le tsemin de la ya chin tru chè léchi dèveri pè lè travê dè nouthron mondo, po dèpintâ le tsantre dou patê gruvérin, po dre la hyanma k'intrètinyê din chon kâ, la mèjera dè chon chavê, i pu tyè rèdre la prèlyire de l'angoni ke Djan no léchè avui la redâye dè j'èkri è dè chovinyi ke l'a tan bin inmochalâ.

*Mon Dyu balyidè—mè le korâdzo dè mè betâ in fathe de la mouâ.
Ke lè j'andzè mè balyichan on kou dè man po m'idyi a pachâ la granta deléje.*

Nouthra Dona moujâdè a mè, po pâ mè léchi inrinbyâ din di kroulyo moujiron.

Nouthrè Chin Patron, inkotyidè ouna piêthe din vouthron paradi.

Dinchi i pori mè fère innoulyi dutin ke chu in ya.

La mouâ pou mè prindre d'on momin a l'ôtro, balyidè—mè le tin dè m'inkotyî a dèbon.

Ora me n'êmi Djan, ta prèlyire le a termo.

No dyênnyin lè mam po prèlyi avui tè. No t'an chyèvu din la maladi ke t'inpatyivè dè dre te n'amihyâ a ta fèna, a tè j'infan è a tè j'êmi. Tè j'yè adi ourâ i kolâ dou mondo chè chon èhyin por adèbon.

No prèlyin Nouthra Dona po ke la piathe din le rèpojyâ dou Bon Dyu chi tota dè hyartâ è dè dzoulyo.

E in tréjin nouthra kapèta dèvan chi vâ yô le drapô di patêjan chè va hyenâ, no vouêrdèrin le mèlyou chovinyi de l'êmi ou bredzon èhyiri pâ la bal'èthêla di mantinyâre dou patê.

